

新繁縣鄉土志卷四

兵事錄

曰兵役大事有羅尚討李特之役南詔寇成都之役陳敬瑄田令孜討王建之役曹彬討全師雄之役成都民變之役流賊屠蜀之役白蓮教匪之役藍逆亂蜀之役彭縣通山會匪之役石逆犯蜀之役紅拳教匪之役或大亂或小亂惟流賊屠蜀而新繁之民無噍類焉

新繁介居彭邛三都之中

華陽國志蜀有三都一黑謂成都廣都新都也

子之地平如几席無山谿之阻足以阨塞三里之城七里之郭敵有不屑環而攻之者自昔成都北境有

事東則漢州新都為衝途西北則彭縣為負隅之區

新繁惟繹騷震驚所及非必爭之地也建武十二年

伐公孫述滅宮自涪城進拔繁邛此軍由什邡境至

彭不涉新繁之地晉太安元年李特叛保廣漢

彭縣志云

江今縣

益州刺史羅尚討之新繁一為戰地詳二年春

特攻成都營少城尚出軍討特大破之追及於繁之官桑斬特彭縣志云特衆自獺望山北奔東轉則遲故為尚所追及晉書載記謂特敗引趣新繁是以今名叙昔事誤也案北奔者揆特情勢蓋欲就流軍於檢上而倉皇不及故望山北奔東轉者趣什邡也官

桑卽今彭縣豔陽場西南之官倉在新繁北偏西約
百里特果引趣新繁而復北竄官桑於情事不合已
甚彭志駁之是也特欲復仇則當屯新繁趨什邡至梁天
監三年益州民焦僧護聚眾數萬邛繁作亂刺史蕭
淵藻擊平之新繁爲繁屬地本境聚眾至數萬則新
繁無不被兵者矣自是以後隋置新繁縣本境之事
史闕文者幾二百年至唐咸通中有南詔圍成都之
事

晉太安元年八月李特破德陽李流次成都北上李
驤在毗橋羅尙襲驤破之驤及將士奔流柵併力攻

尙尙軍亂敗還

見華陽國志並晉書載記

案上極也北上言成都北境之極卽今龍橋河也
今新繁境踰龍橋河五里龍橋河下流卽新都毗
橋河驤流欲逼成都故爲犄角之勢故流所次在
新繁境其後流又移軍檢上卽由龍橋河沂源也
互詳水道志徐偃河

唐咸通十一年南詔蠻圍成都將軍宋威援之敗南

詔蠻於新都之毗橋進軍新繁之沱江驛

當在縣南十八里之

班竹園地

蠻趣沱江威又伏兵大破之

見讀史方輿

唐僖宗光啟三年西川帥陳敬瑄召王建而拒之用
田令孜謀假揚晟威戎軍節度使守彭州共拒建建
攻彭州文德元年敬瑄遣眉州刺史山行章壁新繁
救彭縣龍紀元年建大破行章兵獲萬餘人橫尸四
十里行章走屯濛陽晟懼約山南西道節度使楊守
亮兄弟合謀拒建掠新繁焚漢州五代史前蜀世家
宋乾德四年蜀軍叛推全師雄為主擾彭州師雄自
號興蜀大王分擾灌口導江郫新繁青城等縣劉廷
讓曹彬破之於新繁俘萬餘人宋史王全斌傳

明崇禎辛巳正月成都民變始於彭縣新繁和之遂

煽及各州縣揭竿擁衆譟呼圍城欲得五蠹而甘心
焉五蠹者一衙蠹指吏胥二府蠹謂投身王府倚勢
武斷者三豪蠹謂民間强悍者四官蠹謂縉紳家義
男作威者五學蠹指生員之生事害人者亂民隨地
搜索得則捶擊而死惟新都金堂兩邑令多善政民
樂其教不致爲變彭縣新繁則不能解散蔓延四出
巡撫陳良謨乃檄都司某率鎮遠營兵往鎮壓之衆
潰乃就撫費驥荒書

崇禎十七年流賊張獻忠陷成都屠之尋略附郭縣
邑新繁逼近省城遭尤劇閭井小民十不存五

大清順治二年明叅將楊展恢復川南賊屢爲所敗懼將

趨陝分道虜掠搜殺新繁之民十不存二據邑人李應

云順治三年全家被戮

是年獻忠伏誅餘黨猶熾七年土匪黑

殺神掘綿州遣賊黨四出掠財物婦女赤見李應井

里盡爲邱墟二三遺黎又復死於瘟虎腴田灌奔華

屋蒿萊數百里間煙火斷絕攷戶口册康熙六年

起至雍正八年止共載人丁一千零二十七丁蓋自合

併彭縣之大又歷六十年之久以有此數也迨至乾

隆極盛之際然後元氣始復焉蓋

歷聖之德澤覆露生育斯其所以元氣可復者也然盛衰

倚伏自是而後又多故矣

嘉慶庚申白蓮教匪由達州趨川北圖上竄成都各

州縣奉憲檄練團三月忽傳賊逼金堂團衆解散民

間倉皇奔避男婦老幼號呼哭泣於道日夜不絕少

婦負兒有倒縋於背及誤枕爲兒者奔走失道往往

遭奸民淫掠其懼辱自縊及投水死者又不知凡幾

而賊竟不至節縣志

咸豐庚申滇逆李永和藍潮鼎擾崇慶州圓通場成

屬十六州縣團禦之於宣家渡賊僞趣川東伺撤防

復上竄九月十五日通羊馬河而東沂龍家灣大掠

溫江郫縣二十日由三導堰趣新繁繞錦水河連封
橋清繞白江團衆遇之敗潰陣死者數十人賊隨路
焚掠趣清流場燒民舍尤慘二十二日燒彭縣趣什

邠去節縣志

辛酉正月彭縣連封團匪首朱爾玖叛圍彭縣城焚
民舍勢熾氛惡大憲檄新繁令程祥棟聯五縣團丁
協勦新繁團丁據清白江之新彭橋斷賊來路不敢
進彭人避亂來者不絕賊奸細潛匿其中窺伺程令
禁其入城令城中畫地而守日夜登陴又醜富室金
築敵樓五所城守始嚴初彭縣生員某忿擊賊無功

走新繁謁程令陳三路平賊策上之制軍

此彭縣調

陽後中甲子科舉人光緒戊寅修彭縣志故自諱生員某云案此事新繁彭縣兩縣人罕有知者今因

氏已歿故

及是制軍乃檄黎統軍率湘男往勦破賊

城下綿州守唐炯奉檄率軍從什邠之高境關直搗
賊巢灌縣知縣英率縣團駐蒲村爾玖遁旋被獲於

崇甯殺之凡五閱月新繁始解嚴

節新繁彭縣志

是年藍李二逆圍綿州五閱月不下秋八月官軍大
破賊賊敗走丹稜冬十一月復犯犀浦三道堰趨清
流場焚甯家砦十九日爲官軍大破於彭縣濛陽場
死萬下千餘人賊勢衰遁走入秦

節縣志

同治元年壬戌髮逆石達開自滇犯蜀前鋒賴剝皮
自邛州向溫江遂由三導堰繞新繁北隅趨什邡新
繁戒嚴月餘日乃已

節縣志

光緒壬寅山東拳匪餘黨潛入蜀中傳習其術始於
川北流入戎屬士夫懲庚子之禍多所勸戒而愚民
漸染既衆勢成燎原新繁習者亦稍衆然率椎魯蠢
蠢若豕鹿輩也八月十四日有敝衣赤足二十餘人
持鐵肆菜刀在省城北關外與官兵對敵炮斃其二
始去而各州縣亦往往零星數人敢敵大兵者兵始
聞拳匪諸神怪輒畏縮後見其斃於火器亦衆遂輕
視之九月某日縣南關斑竹園觀音寺一戰戮者數
匪燄由是遂衰而各路亦以大吏勦辦得法次第肅
清云